


天津縣志卷之二

星土志

附祥
異

星土見於周禮春秋左氏傳載梓裨諸人以此占其國妖祥悉應皇甫謐遂謂其法始於黃帝史遷班范以來代加詳焉蓋占驗家數非周公建保章本義紫陽朱子云在地之位一定不易在天之象轉運不窮則諸家之說不過約畧彷彿而已非如大地之上此疆彼界確有定限也是豈容以臆見測第地志凡例向有此卷則不敢獨刪謹據見於經史者載之於編仍以諸家議論附之以明任理



任數之辨其讖緯諸說槩不敢錄志星土

十二次占

周禮春官保章氏以星土辨九州之地所封封域皆有分野以觀妖祥鄭元注析木燕也

帝王世紀天地設闢未有經界之制三皇尚矣諸子稱神農之王天下也地東西九十萬里南北八十五萬里及黃帝受命始作舟車以濟不通乃推分星次以定律度自婺女八度至危十六度元枵之次一名天黿於辰在子謂之困敦於律爲大呂斗建在子今齊分野自胃七度至畢十一度曰大梁

之次於辰在酉謂之作噩於律爲姑洗斗建在辰
今趙分野自尾十度至斗七度百三十五分而終
曰析木之次於辰在寅謂之攝提格於律爲應鍾
斗建在亥今燕分野

史記天官書角亢氐兖州尾箕幽州虛危青州昴畢
冀州

史記正義星經角亢鄭之分野兖州尾箕燕之分野
幽州須女虛齊之分野青州胃昴趙之分野冀州

漢書
同

晉書天文志自軫十二度至氐四度爲壽星於辰在

辰鄭之分野屬兖州自尾十度至南斗十一度爲
析木於辰在寅燕之分野屬幽州自須女八度至
危十五度爲元枵於辰在子齊之分野屬青州自
胃七度至畢十一度爲大梁於辰在酉趙之分野
屬冀州

隋書地理志自軫十二度至氐四度爲壽星屬兖州
自胃七度至畢十一度爲大梁屬冀州自尾十度
至南斗十一度爲析木屬幽州

唐書地理志關內道河北道古幽冀二州之地漢河
同魏勃海清河平原常山上谷涿漁陽右北平遼

西真定中山信河間廣陽等郡國又參有本郡河
本上黨鉅鹿之地孟懷澶衛及魏博相之南境爲
媿訾分邢洛惠見冀深趙鎮定及魏博相之北境
爲大梁分滄景德爲元柺分瀛鄭幽易涿平媯檀
薊營安東爲析木分

長蘆鹽法志滄州入箕一度於州屬幽於國屬燕於
時屬寅於宮屬人馬於星屬析木介於大梁元柺
之間爲北紀之窮居天之良而箕列天漢有津梁
之義北八場自興國至於歸化有附滄州天津靜
海者有附寶坻豐潤者有附灤州樂亭撫寧者雖

俱隸幽燕之境而有箕尾之別今考各州縣志則
 與國富國豐財三場箕度也
與國富國二場在鹹水沽豐財場在葛沽

諸星占

史記天官書北斗七星用昏建者杓杓自華以西南
 夜半建者衡衡殷中州河濟之間平旦建者魁魁
 海岱以東也 東井西曲星曰鉞鉞北北河南南
 河正義曰南河三星北河三星夾東井南北而為
 戒 秦之疆也 候在太白占於狼弧吳楚之疆候
 在熒惑占於鳥衡燕齊之疆候在辰星占於虛危
 宋鄭之疆候在歲星占於房心晉之疆亦候在辰

星占於參罰及秦并吞三晉燕代自河山以南者
中國中國於四海內則在東南爲陽陽則日歲星
熒惑填星占於街南畢主之其西北則胡絡月氏
諸衣旃裘引弓之民爲陰陰則月太白辰星占於
街北昴主之故中國山川東北流其維首在隴蜀
尾沒於勃碣是以秦晉好用兵

後漢書天文志璇璣者謂北極星也玉衡者謂斗九
星也玉衡第一星主徐州第三星主冀州常以五
戌日候之甲戌爲魏郡勃海丙戌爲安平戊戌爲
鉅鹿河間庚戌爲清河趙國壬戌爲恒山凡八郡

天津縣志

卷之二 星土

四

第五星主兖州常以五辰日候之甲辰爲東郡陳
留丙辰爲濟北戊辰爲山陽泰山庚辰爲濟陰壬
辰爲東平任城凡八郡第八星主幽州常以五寅
日候之甲寅爲玄菟丙寅爲遼東遼西漁陽庚寅
爲上谷代郡壬寅爲廣陽戊寅爲涿凡八郡

晉書天文志北斗七星魁四星爲璇璣杓三星爲玉
衡又曰斗魁第一星曰天樞二曰璇三曰璣四曰
權五曰玉衡六曰開陽七曰搖光一至四爲魁五
至七爲杓一主秦二主楚三主梁四主吳五主燕
六主趙七主齊

隋書天文志九坎東列星北一星曰齊齊北二星曰趙趙北一星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕尾亦爲九子箕亦曰天津

宋史天文志三台六星上台上星主兗豫下星主荆陽中台上星主梁雍下星主冀下台上星主青下星主徐 天市垣二十二星在氐房心尾箕斗內宮之內東蕃十一星南一曰宋二曰南海三曰燕四曰東海五曰徐六曰吳越七曰齊八曰中山九

天津縣志 卷之二 星土 五

曰九河十曰趙十一曰魏西蕃十一星南一曰韓二曰楚三曰梁四曰巴五曰蜀六曰秦七曰周八曰鄭九曰晉十曰河間十一曰河中越星在婺女南鄭一星在越北趙二星在鄭南周二星在越東楚二星在魏西南燕一星在楚南韓一星在晉北晉一星在代北代二星在秦南齊一星在燕東

宋史天文志北方南斗六星南極者魁星也北星者杓也第一主吳二會稽三丹陽四豫章五廬江六九江東宿六星第三星主南粵須女四星占越分天津九星在虛宿北橫河中奎宿日食魯國凶

月守二十日以上兵起魯地熒惑守二十日以上
魯城有兵填星入犯吳越有兵一日齊魯昴宿熒
惑東齊楚越地有兵守南荆楚有兵守西則兵秦
鄭北則起燕趙觜觿辰星犯之趙地水守之趙分
饑熒惑與觜觿合趙分相憂 五車五星西北大
星主太白秦分及雍州東北一星主辰星燕趙分
及幽冀東南一星主歲星魯分徐州衛分并州次
東南一星主填星楚分荆州次西南一星主熒惑
魏分益州

銀漢兩介占

天津縣志

卷之二 星土

六

唐書天文志初貞觀中李淳風撰法象志因漢書十
二次度數始以唐之州縣配焉而一行以爲天下
山河之象存乎兩戒北戒自三危積石負終南地
絡之陰東及太華逾河竝雷首底柱王屋太行北
底常山之右乃東循塞垣至濊貊朝鮮是謂北紀
所以限戎狄也自北紀之首循雍州北徼達華陰
而與地絡相會竝行而東至太行之曲分而流東
與涇渭濟瀆相爲表裏謂之北河自陝而西爲秦
涼北紀山河之曲爲晉代北紀之東至北河之北
爲邢趙自北河下流南距岱山爲三齊夾右碣石

爲北燕觀兩河之象與雲漢之所始終而分野可知矣於易五月一陰生而雲漢潛萌於天稷之下進及井鉞間得坤維之氣通矣自南正達於西正得雲漢升氣爲山河上流自北正達於東正得雲漢降氣爲山河下流十一月一陽生而雲漢漸降退及艮維始下接於地至斗建間復與律舍氣通於易天地始交泰象也踰析木津陰氣益降進及大辰升陽之氣究而雲漢沉潛於東正之中故易雷出地曰豫龍出泉爲解皆房心象也 又曰古之辰次與氣相係各據當時曆數與歲差遷徙不

天津縣志

卷之二 星土

七

同今更以七宿之中分四象中位自上元之首以度數紀之而著其分野其州縣雖改隸不同但據山河以分爾須女虛危玄枵也初須女五度餘二千三百七十四秒四少中虛九度終危十二度其分野自濟北東踰濟水涉平陰至於山荏循岱岳衆山之陰東南及高密又東盡萊夷之地得漢北海千乘淄川濟南齊郡及平原渤海九河故道之南濱於碣石古齊紀祝淳於萊譚寒及斟尋有過有鬲蒲姑氏之國其地得媿訾之下流自濟東達於河外故其象著爲天津絕雲漢之陽凡司人之

星與羣臣之錄皆主虛危故岱宗爲十二諸侯受命府胃昴畢大梁也初胃四度餘二千五百四十九秒入太中昴六度終畢九度自魏郡濁漳之北得漢趙國廣平鉅鹿常山東及清河信都北據中山真定全趙之分又北逾衆山盡代郡鴈門雲中定襄之地與北方羣狄之國北紀之東陽表裏山河以藩屏中國爲畢分循北河之表西盡塞垣皆髦頭故地爲昴分冀之北土馬牧之所蕃庶故天苑之象存焉尾箕析木津也初尾七度餘二千五百五十秒二十一少中箕五度終南斗八度自渤海

天津縣志

卷之二 星上

九河之北得漢河間涿郡廣陽及上谷漁陽右北平遼西遼東樂浪元菟古北燕孤竹無終九夷之國尾得雲漢之末派龜魚麗焉當九河之下流瀆於渤碣皆北紀之所窮也箕與南斗相近爲遼水之陽盡朝鮮三韓之地

干支占

前漢書天文志甲乙海外日月不占 晉灼曰海外遠甲乙日時不以

占 丙丁江淮海岱戊己中州河濟庚辛華山以西

壬癸常山以北一曰甲齊乙東夷丙楚丁南夷戊魏己韓庚秦辛西夷壬燕趙癸北夷子周丑翟寅

趙卯鄭辰邯鄲己衛午秦未中山申齊酉魯戌吳越亥燕代

日纏黃道占

河間府志劉基日纏黃道分野云南皮鹽山慶雲入

箕三度

其分在天籥星之中間箕東北星之北以上六尺許冬至太陽之所躔也

東光

故城滄州入箕二度

其分在箕左舌之上六尺當天籥之西星

吳橋景

州寧津興濟入箕一度

其分在箕西北星上六尺天籥之西

青縣靜

海肅寧入尾十八度

其分在天市垣燕星之南十四度

以上俱見

青田分野中自箕而尾黃道漸衍向南凡六十年

測準一次改橫度不改縱度漢留侯二十八宿分

天津縣志

卷之二 星土

九

野滄州東光慶雲南皮阜城鹽山入箕一度

其分在箕

口中

以上歷古今不變但見留侯分野書中今為

之確指實在罔敢遊移其星屬事類分野水星有

變在六乙五辰日及變於本郡州縣度數中者則

本郡當之餘則否北斗所管本郡之屬若天子有

會同征伐之事用之以占他則否九州殊口北一

星管本郡之扼塞關梁者出奇間道之時用之以

占不然則否五車所管本郡之屬轉輸兵餉之時

用之以占不然則否須女下十二國星羣雄峙據

之時用之以占外此則否以上因事而占各有專

屬以日辰干支分定東南西北及中央凡三法者約之以開方量之以勾股準之以表率界之以縱橫度數其不中者寡矣

附祥異

明

萬曆十七年四虹夾日環背各二天光晦冥逾刻乃霽

十八年春旱秋大水北河堤決

十九年夏蝗飛蔽天聲如雷雨食苗幾盡

二十年春夏大旱六月霪雨入秋不止南北河堤

天津縣志

卷之二

星土

十

決平地行舟

三十二年六月霪雨兩月衝決教場堤岸湮城磚

二十四層人民餓死無算

崇禎十二年秋蝗蟲蔽天食禾殆盡

十三年春大饑

十四年三月初二日天津遊擊張國安巡河至趙

家場刀鎗出火黑夜有光四月地震

十七年大疫

國朝

順治十年十一年大水決河岸湮城磚十七層桑

田行舟

康熙七年大水衝決口岸湮城磚十六層小舟裝
載陸地往來六月十七日戌時地震十八日又震
康熙八年大有年斗米價數十錢
康熙五十八年六月十八日地震

天津縣志卷之二終

天津縣志

卷之二 星土

士